

تورک پورسی

نومرو ۲

تشرین ثانی ۱۳۴۰

جلد ۱

کتابیات

صوک کونلرده اوره کلی سیرانی نك بر معلم آرقاداشمز طوپالانان شعرلری انتشار ایتدی . [۱] سیرانی ، خلق شاعرلرینک زمانمزه اك یقین اولانلرندندر [۱۲۲۲-۱۲۸۳] . برقاچ شعرى مجموعه لرك بعضیلرنده باصیلشمس ، حقنده بر حکم ویره بيلمک ایچون احتیاج درکار اولان فضلہ مقدارده شعرلری بولونامیوردی . احمدحازمك همشیرینك اثرلرندن انه کچه بیلن اقسامی طوپالایوب نشر ایتدکله بوخصوصده بویوک بر خدمت ایتمش اولدی . بز ، سیرانی حقنده عمومی مطالعه و حکملری ایلری به راقه رق آرقاداشمزك نشر ایتدیکی جلدده دائر بر ایکی نقطه اوزربنه دقتی جلب ایددجکمز . اسکی شاعرلره عائد نسخه لر یا عموم ایچون ویا عالملا ایچون میدانه چیقاریلیر . عالملا ایچون اوله جق نسخه لرك بر چوق شرطلری وار . متعدد نسخه لر - ا کر وارسه - قارشیلادیریله رق ایچلرنده بری اساس طوتولمق اوزره دیگرلرندکی دیکشکلکر تحشیه اولونور، ویا نك نسخه ایسه اصلی فوطوغرافی ایله آلینر الخ ... عموم ایچون اولان نسخه لرده ایسه مهمما امکان بوقیل اثرلرك بولونه جی ترتیب طریقی بوزمامق وکندندن علاوه اولنه جق شیلر وارسه اولنری متن خارجه علاوه ایتمکدی .

اولا ، بویوک بر همتله طبع اولوندیغی کورولن بو اثرده بر تصنیف یوق . عروض و هجده شعرلری آیرمق چوق ایی . فقط هر برینك کندى عمومی چرچوه سی ایچنده منتظماً تدوین اولونمسی لازم کلیردی .

بوده عمومیتله اولدیغی کبی شعرلرك الفبا صیراسیله دیزیله سیدی .

صوکرا آرقاداشمز ، شعرلرك اصللرنده اولمادیغی بدیی اولان ، (تخزن درویشان بر مرزرب آموز ، آلام غربت ، بوده بر شعردر . ریاکارلغه بر خربه) قیلندن

[۱] سانجان سیرانی- ۲۰۶ صفحه ، الی غروش- جامع و مصححی احمدحازم- استانبول ، ۱۳۴۰

بعض سرلوحه‌لر علاوه ایتشدر. حالبوکه یوقارده دیدیکمز منتظم برتصنیف بونلره هیچ محل برافازدی.

ایکنجیسی : احمد حازمک ، شعرلری تنقیط ایتشدر . بعضیلرنده معنای آکلاشیلمایه جق شکله صوقان بوتشبت شعرک اکثریا ذوقی قاجیریور :

ذهنمه صیفماز ، الهی کنه ذات وحدتک .

آریلر ؛ ذوق آلیر . چیچک اوزندن

روزکارلر ، کول آلیر . آتش کوزندن

پروازمه طاردر . کنیش آسمان

دائما آچیدر . استقبال بکا

نیجدر . بوی بصل بیلمز قابوغین صوبتایان ؟

برآووج خاکه دویار . کنز جهاننه دویتایان

حالبوکه عمومیتله اسکی شعرلری تنقیط ایتک بویوک برهنردر وحتی اودرجه‌ده که بوایشه تشبث ایتمه‌کک دائما خیرلیدر .

صوک و اوفاق بر نقطه‌ده درتک قوشمالرک دردرسطراولمایارق ایکیشرایکیش دیزلمه‌سک بر ذوقسزلک تشکیل ایتدیکنی سویله‌م . بونقطه‌لری یورولماز برعشقله سیراینک دیکر اثرلری نشر ایده‌جکنی وعد ایدن احمد حازم بکک نظر دقه آلاجنی امید ایده‌رز .



اداره‌ده — « تورک یوردی » عزیز مرشد ورهبر ضیا کؤک آلپه تخصیص ایده‌جکی نسخه‌سنی فوق‌العاده نشر ایده‌جکدر . بویوک استاده دائر خاطره ، مقاله وتدقیق کوندره‌جک متفکر ومحررلرک نهایت تشرین‌ثانی اون بشنه قادار [آنقره : طاش‌خنده] اداره‌خانه‌مزه یوللامه‌لری رجا اولنور .